



# Službeni glasnik OPĆINE OLOVO

Godina XX

Broj: 5 (posebno izdanje)

Olovo, 04.07.2016.godine

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), člana 42. Statuta Općine Olovo („Službeni glasnik Općine Olovo“, broj 2/07 i 4/08), člana 33. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj: 39/03 i 22/06), a u vezi sa nastalom situacijom pokretanja odrona ul Krivajska u Olovu, na Prijedlog Općinskog Službe civilne zaštite Općinski načelnik, **d o n o s i**:

## **O D L U K U** **O PROGLAŠENJU STANJA PRIRODNE NESREĆE** **NA PODRUČJU OPĆINE OLOVO** **UZROKOVANE POJAVOM ODRONA**

### **Član 1.**

Proglašava se stanje prirodne i druge nesreće na dijelu općine Olovo ul. Krivajska u Olovu od stambenog objekta Hadžiabdić Zahrudina do stambenog objekta Kopic Zlatana rijekom Stupčanicom pravolinijski u pravcu pojave odrona na parceli 44/2 u vlasništvu Tarik Mešić, uzrokovane pojavom odrona od 24.06.2016. godine od 13,00 sati do daljnjeg.

### **Član 2.**

Uslijed erozionog djelovanja i udara artiljerijskog projektila u toku rata na parceli 44/2 K.O Olovo primjećeno je pokretanje stijenskog krečnjačkog monolita dimenzija dužine 8,50 m<sup>1</sup> širine 5,00 m<sup>1</sup> i debljine 2,00 m<sup>1</sup> kojeg drže slabe sile i koji prijete da se odvoji od matične stijene. Pokretanjem ovog bloka životno bi bilo ugroženo 83 stanovnika, indirektno njih još 40, broj direkto ugroženih stambenih objekata je 27 indirektno 7, ugrožena je zgrada Policijske stanice, objekat dječije igraonice „Suncokret“ dvadesetero djece, preduzeće „Brkić“ d.o.o. te Regionalni put 467. Zbog velike opasnosti po živote stanovništva i materijalna dobra odlučeno je kao u članu 1.

### **Član 3.**

Na smanjenju opasnosti i otklanjanju posljedica potrebno je provesti HITNE mjere. Pošto se radi o specifičnom problemu potrebno je pronaći pravnog subjekta koji je osposobljen za ove radove i koji ih može provesti u što kraćem roku. Sa pravnim subjektom koji bude najpovoljniji za izvođenje ovih radova provesti Hitni postupak po zakonu o Javnim nabavkama.

### **Član 4.**

- Zadužuje se Općinska služba civilne zaštite Općine Olovo da koordinira i rukovodi akcijama zaštite i spašavanja, nalaže evakuaciju stanovništva i saraduje sa izvođačem radova. Za sprovođenje ovih mjera zadužuje se Avdo Degirmendžić član Štaba.
- Zadužuju se Služba za opću upravu i društvene djelatnosti Općine Olovo da obezbijedi smještaj evakuisanog stanovništva. Za sprovođenje ovih mjera zadužuje se Imer Karagić član Štaba.
- Zadužuju se Služba za ekonomske poslove Općine Olovo da organizuje prehranu za evakuisano stanovništvo. Za sprovođenje ovih mjera zadužuje se Kaljanac Merisa, član Štaba.
- Zadužuje se PS Olovo da vrši obezbjeđenje imovine i objekata evakuisanog stanovništva i asistira pri evakuaciji u slučaju potrebe. Za sprovođenje ovih mjera zadužuje se Amir Džinić član Štaba.
- Zadužuje se Referent za javne nabavke da Izbor najpovoljnijeg ( kvalifikovanog) ponudjač za obezbjeđenje stijenke mase od odronjavanja provede po hitnom postupku. Za sprovođenje ove mjera zadužuje se Muharem Behlulović referent za javne nabavke.
- Stanovništvo, pravna lica, državni organi, ustanove sa ugroženog područja dužni su poduzimati mjere samozaštite, izvršavati naredbe zaduženih lica na terenu.

### **Član 5.**

Organizaciju i koordinaciju pomenutih aktivnosti vršiti će Općinski štab civilne zaštite Olovo.

### **Član 6.**

Za sprovođenje ove naredbe koristit će se sredstva u skladu sa članom VI alineja 1. Odlukom o načinu korištenja sredstava ostvarenih po osnovu posebne naknade („Službene novine Federacije BiH“ broj: 2/12) i to:

sredstva iz predhodnog perioda 8.480,98 KM 20% u iznosu od 1.700,00 KM.

sredstva pristigla do 31.05.2016.godine 15.907,03 KM 40% u iznosu od 6.362,80 KM.

što ukupno iznosi 8.062,80 KM.

i raspoloživa sredstva Budžeta Općine Olovo Konto 614241 Transfer za ostale namjene – elementarne nepogode.

### **Član 8.**

Ova Odluka traje dok postoji potreba provođenja HITNIH mjera zaštite i spašavanja.

## **Član 9.**

Sve što nije regulisano ovom Odlukom, biće regulisano naredbom Općinskog štaba civilne zaštite koja mora biti u skladu sa ovom Odlukom.

## **Član 10.**

Ova Odluka stupa na snagu danom donošenja i bit će objavljena u „Službenom glasniku Općine Olovo“ i putem raspoloživih medija.

Broj: 02-02-1-1395/16

Datum: 24.06.2016. godine

Dostavljeno:

1. MZ Olovo,
2. PU Olovo
3. KUCZ,
4. JU „Centar za kulturu i informisanje“,
5. Općinskim službama 3x,
6. Općinskom štabu CZ,
7. „Službeni glasnik Općine Olovo“,
8. u evidenciju
9. a/a

**OPĆINSKI NAČELNIK**

**Memagić Đemal, s.r.**

## SADRŽAJ

### Strana

1. Odluka o proglašenju stanja prirodne nesreće na području općine Olovo uzrokovane pojavom odrona. .... 1

Ovaj Službeni glasnik istaknut je na oglasnoj tabli  
Općine Olovo dana 04 .07.2016.godine

Ovjerava:

SEKRETAR  
OPĆINSKOG VIJEĆA

Zijad Karić, dipl. pravnik